

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STUČNA SLUŽBA GRADONAČELNIKA

Broj: 02-11-120/26-AP-3
Datum: 16.01.2026. godine

Primljeno:	16-01-2026		
Org. jed.	Kl. ozna.	Red. broj	Br. priloga
01	M	123/26	

GRADSKO VIJEĆE ZAVIDOVIĆI
n/r PREDSJEDAVAJUĆA GRADSKOG VIJEĆA
Hadžić dr Amira, spec. radiolog

PREDMET: Prijedlog Odluke o finansiranju redovnog rada
mjesnih zajednica u 2026. godini, dostavlja se

U prilogu akta dostavljam Vam Prijedlog Odluke o finansiranju redovnog rada mjesnih zajednica u 2026. godini.

Prijedlog Odluke o finansiranju redovnog rada mjesnih zajednica u 2026. godini sa obrazloženjem gradonačelnice, dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.

Akt pripremila: F. Merdanović
(Fatima Merdanović)

Akt pregledao: N. Čahtarević
(Nermin Čahtarević)

PO RJEŠENJU GRADONAČELNICE
broj: 02-04-3/25-AP-2 od 03.01.2025. godine
SEKRETAR GRADSKOG ORGANA
DRŽAVNE SLUŽBE

Nermin Čahtarević, dipl. pravnik



Broj: 02-11-120/26-AP-2

Datum: 16.01.2026. godine

Na osnovu člana 31. stav (1) tačka 1. Zakona o principima lokalne samouprave („Službene novine FBiH“, broj: 49/06), člana 12. Privremene Statutarne Odluke Općine („Službeni glasnik Općine Zavidovići“, broj: 4/22), Programa rada Gradskog vijeća („Službeni glasnik Općine Zavidovići“, broj: 12/25) i člana 32. Odluke o izvršavanju Budžeta Grada Zavidovići za 2026. godinu („Službeni glasnik Grada Zavidovići“, broj: 12/25), Gradsko vijeće Zavidovići na __. sjednici od __. __. 2026. godine, donijelo je

ODLUKU

o finansiranju redovnog rada
mjesnih zajednica u 2026. godini

Član 1.

(1) Odlukom o finansiranju redovnog rada mjesnih zajednica u 2026. godini (u daljem tekstu: Odluka) utvrđuju se ukupna visina sredstva u Budžetu Grada za rad i funkcionisanje mjesnih zajednica, kriteriji za podjelu tih sredstava na mjesne zajednice, način i uvjeti korištenja sredstava za redovan rad mjesnih zajednica u 2026. godini.

(2) Ukupna sredstva u 2026. godini utvrđuju se u iznosu od 75.000,00 KM.

Član 2.

(1) Sredstva iz člana 1. stav (2) Odluke raspoređuju se mjesnim zajednicama prema sljedećim kriterijima:

- a) 50% linearno,
- b) 50% prema broju stanovnika iz evidencije MUP-a Odsjeka za administraciju Zavidovići.

(2) Tabelarni prikaz raspodjele novčanih sredstava po mjesnim zajednicama, na osnovu kriterija iz stava (1) ovog člana, sastavni je dio ove Odluke.

Član 3.

(1) Iz ukupno opredijeljenih sredstava finansirat će se tekući troškovi za rad mjesnih zajednica.

(2) Tekući troškovi su: troškovi komunalnih usluga, električne energije, telekomunikacijske usluge, kancelarijski materijal, održavanje prostorija, troškovi održavanja sjednica savjeta i knjigovodstveno administrativne usluge savjetu mjesnih zajednica, troškovi službenog puta za potrebe mjesne zajednice, troškovi zakupnine, obaveze prema dobavljačima, izmirenje poreskih obaveza i drugih finansijskih obaveza.

(3) Troškovi telekomunikacijskih usluga plaćaju se samo za internet pakete i telefone na ime mjesne zajednice. Troškovi telefona (mobilnog ukoliko nema fiksni) ne smiju prelaziti iznosi od 25,00 KM mjesečno.

(4) Za troškove goriva potrebno je dostaviti fiskalni račun sa benzinske stanice sa područja Grada Zavidovići, Odluku savjeta i izvještaj za koje potrebe je korišteno gorivo.

(5) Sredstva za finansiranje redovnog rada će se doznakačavati po zahtjevu mjesne zajednice na polugodišnjem nivou u visini od 1/2 ukupno opredjeljinih sredstava mjesnoj zajednici na godišnjem nivou prema članu 3. stav (1) ove Odluke.

(6) Preostala sredstva po realizaciji obaveza i potreba mogu se koristiti za ostale potrebe od interesa za građane na osnovu Odluke Savjeta MZ.

(7) Sredstva za redovan rad mjesnih zajednica se ne mogu koristiti u bilo koje svrhe humanitarnog karaktera.

(8) Za obavljanje administrativno tehničkih poslova Savjet mjesne zajednice ne može angažovati profesionalno lice u svojstvu sekretara.

Član 4.

(1) Uz zahtjev za odobravanje sredstava mjesne zajednice dostavljat će pismeni izvještaj o utrošku sredstava iz prethodne tranše u skladu sa namjenom iz člana 3. ove Odluke, uz dokaze o utrošku (pravdanje) sredstava kao što su: ugovor, fiskalni računi, Odluke savjeta, zapisnike sa održanih sjednica i izvod iz banke.

(2) Za svako izvršeno plaćanje roba, usluga ili radova za potrebe mjesnih zajednica Savjeti su dužni dostaviti:

- a) Odluku Savjeta za izvršavanje određenih poslova ili nabavku roba i usluga,
- b) Predračun i fiskalni račun dobavljača,
- c) Računi elektro distribucije, komunalnog preduzeća i telekoma,
- d) Uplatnica kojom je izvršena uplata sa žiro računa mjesne zajednice na žiro račun isporučioća usluga, roba ili radova,
- e) Zapisnik sa održane sjednice sa potpisima svih prisutnih članova,
- f) Izvod iz banke o stanju bankovnog računa.

(3) Sve vrste uplata za radove, robe ili usluge vrše se isključivo sa žiro računa mjesne zajednice na žiro račun isporučioća usluga.

(4) Savjeti mjesnih zajednica koji isplaćuju troškove o održavanju sjednica Savjeta, članovima Savjeta, obavezni su dostaviti dokaz o prisustvu članova Savjeta i isplati troškova (tabelarni pregled) sa potpisima članova Savjeta.

(5) Sve mjesne zajednice su dužne, uz izvještaj o utrošku prethodne tranše dostavljati zapisnike sa održanih sjednica savjeta mjesnih zajednica za protekli period, potpisane od strane svih prisutnih na sjednici savjeta ili obavještenje predsjednika mjesne zajednice ukoliko sjednice nisu sazivane.

(6) Savjetima mjesnih zajednica koji ne izvrše pravdanje utroška sredstava na opisani način i ne dostave navedene akte neće se odobriti naredna tranša.

(7) Savjetima mjesnih zajednica koji nisu izvršili zakonsku i statutarnu obavezu podnošenja godišnjeg Izvještaja o radu i finansijskom poslovanju, neće se odobriti sredstva za finansiranje redovnog rada do ispunjenja te obaveze.

(8) Zahtjev za tranšu za redovna sredstva iz tekuće godine dostavljaju se do 31.12. tekuće godine na pisarnicu Gradske uprave.

Član 5.

(1) U slučaju nemogućnosti samostalnog finansijskog poslovanja pojedinih mjesnih zajednica, Grad može iz ukupno opredijeljenih sredstava za određenu mjesnu zajednicu vršiti plaćanje računa komunalnih usluga i drugih potreba neophodnih za funkcionisanje mjesne zajednice.

(2) Odobravanje sredstava na način iz prethodnog stava će se vršiti na osnovu akata Gradonačelnice prema opravdanim zahtjevima mjesnih zajednica.

Član 6.

U slučaju promjene broja mjesnih zajednica, vršiti će se preraspodjela u okviru planiranih sredstava za finansiranje mjesnih zajednica u Budžetu Grada Zavidovići za 2025.godinu.

Član 7.

Ova Odluka stupa na snagu prvog narednog dana od dana objavljivanja u „Službenom glasniku Grada Zavidovići“, a primjenjivat će se za 2026. godinu.

PREDSJEDAVAJUĆA
GRADSKOG VIJEĆA

Hadžić dr Amira, spec. radiolog

O B R A Z L O Ž E N J E

PRAVNI OSNOV DONOŠENJA ODLUKE

U članu 31. stav (1) tačka 1. Zakona o principima lokalne samouprave, navedeno je:

„Sredstva za rad mjesne zajednice, odnosno drugog oblika mjesne samouprave su:

1) mjesne zajednice imat će prihode srazmjerne ovlaštenjima predviđenim zakonom i statutom;“.

U članu 32. Odluke o izvršavanju Budžeta Grada Zavidovići za 2026. godinu, navedeno je:

„Sredstva utvrđena u Razdjelu 13 Glava 208 Budžeta pozicija „Transfer mjesnim zajednicama“ koriste se za redovan rad mjesnih zajednica, a na osnovu akata koje donosi Gradsko vijeće.“

RAZLOZI ZA DONOŠENJE ODLUKE

Neupitna društvena potreba organizovanja i efikasnog funkcionisanja mjesnih zajednica u skladu sa Zakonom o principima lokalne samouprave i Statutom općine Zavidovići, realizuje se u praksi, između ostalog donošenjem i ove Odluke.

Odredbe prijedloga Odluke su utvrđene na osnovu ranije uočenih potreba za povremeno drugačiji model finansiranja rada mjesnih zajednica posebno kada imaju teškoće u radu zbog blokiranih računa ili izmirenja poreskih obaveza. Predviđena mogućnost isplate većeg iznosa od planirane tranše ili cjelokupnog godišnjeg iznosa za određenu mjesnu zajednicu, omogućila bi realizaciju sporazuma o izmirenju duga, izmirenje poreskih i drugih ranije nastalih finansijskih obaveza koje daljim prolongiranjem stvaraju dodatno kamatno opterećenje mjesnih zajednica.

Smanjenje broja tranši olakšava, pojeftinjuje i ubrzava administrativno-finansijsko poslovanje mjesnih zajednica.

Opisani način pravljenja sredstva za redovan rad omogućava transparentan utrošak budžetskih sredstava.

Polazeći od navedenog, a u skladu sa odredbama člana 86. stav 1. Statuta Općine Zavidovići i usvojenim Budžetom Grada Zavidovići za 2026. godinu, pripremljena je ponuđena Odluka.

U prilogu akta dat je tablearni pregled broja stanovnika MZ prema podacima MUP-a ZDK-Odsjek za administraciju Zavidovići.


FINANSIJSKA SREDSTVA POTREBNA ZA SPROVOĐENJE ODLUKE

Za sprovođenje ove Odluke planirana su sredstva u Budžetu Grada Zavidovići za 2026. godinu, u iznosu od 75.000,00 KM.


Predlaže se Gradskom vijeću da usvoji ponuđenu Odluku.

PO RJEŠENJU GRADONAČELNICE
broj: 02-04-3/25-AP-2 od 03.01.2025. godine
SEKRETAR GRADSKOG ORGANA
DRŽAVNE SLUŽBE

Nermin Čahtarević, dipl. pravnik

Akt pripremila: 
(Selma Draferović)

Akt pregledala: 
(Asima Merdanović)

Akt pregledao: 
(Nermin Čahtarević)



RASPODJELA SREDSTAVA ZA RAD MJESNIH ZAJEDNICA U 2026.GODINI
(član 2. Odluke)

RB	MJESNA ZAJEDNICA	LINEARNO 50 %	PO BROJU STANOVNIKA 50 %	UKUPNO
1.	ASIM ČAMDŽIĆ	1.785,70	5.025,30	6.811,00
2.	KLEK	1.785,70	4.387,60	6.173,30
3.	BRANIOCI GRADA	1.785,70	3.315,30	5.101,00
4.	DUBRAVICA	1.785,70	1.679,80	3.465,50
5.	DOLINA-ALIĆI	1.785,70	1.170,20	2.956,60
6.	PAŠIN KONAK	1.785,70	2.968,30	4.754,00
7.	MEĆEVIĆI	1.785,70	1.296,00	3.081,70
8.	VOZUĆA	1.785,70	1.808,90	3.594,60
9.	RIBNICA	1.785,70	865,50	2.651,20
10.	MAOČA	1.785,70	286,70	2.072,40
11.	RUJNICA	1.785,70	1.635,00	3.420,70
12.	KOVAČI	1.785,70	4.242,70	6.028,40
13.	BREZIK	1.785,70	1.241,50	3.027,20
14.	KRIVAJA-SMAILBAŠIĆI	1.785,70	453,20	2.238,90
15.	GOSTOVIĆ	1.785,70	3.014,20	4.799,90
16.	DONJI GOSTOVIĆ	1.785,70	1.035,70	2.821,40
17.	LOVNICA	1.785,70	1.338,60	3.124,30
18.	MAHOJE	1.785,70	369,00	2.154,70
19.	DOLAC	1.785,70	124,30	1.910,00
20.	STIPOVIĆI	1.785,70	579,50	2.365,20
21.	KRIVAJA	1.785,70	662,70	2.448,40
	UKUPNO	37.500,00 KM	37.500,00	75.000,00

* Napomena: 1 stanovnik = 0,93 KM (50% po broju stanovnika)

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravu društvenih djelatnosti,
pitanja boraca i opću upravu



Broj: 04-45-17/26-AP-5
Datum: 16.1.2026. godine


GRADONAČELNICA
- O V D J E -

PREDMET: Prijedlog Odluke o finansiranju redovnog rada mjesnih zajednica u 2026.godini,
dostavlja se.

Poštovana,

U skladu sa Programom rada Gradskog vijeća ("Službeni glasnik Grada Zavidovići", broj: 12/2025), u prilogu akta dostavljamo Vam prijedlog Odluke o finansiranju redovnog rada mjesnih zajednica u 2026. godini i tabelarni prikaz raspodjele sredstava za rad mjesnih zajednica u 2026. godini, na dalje razmatranje i upućivanje prema Gradskom vijeću Zavidovići.

S poštovanjem,



PO RJEŠENJU GRADONAČELNICE
broj: 02-30-2255/25-AP-4 od 14.01.2025.
SEF ODSJEKA ZA DRUŠTVENE DJELATNOSTI
I OPĆU UPRAVU

Asima Merdanović, dipl žurnalista

Dostavljeno:
1. Naslovu,
2. a/a.

Akt pripremila:


(Selma Džaferović)

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za budžet, finansije i
ekonomska pitanja**

Broj: 01-11-123/26-AP-3

Datum: 20.01.2026. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za budžet, finansije i ekonomska pitanja na 14. sjednici održanoj dana 20.01.2026. godine, razmatrala je Prijedlog Odluke o finansiranju redovnog rada mjesnih zajednica u 2026. godini, pa nakon rasprave donijela

ZAKLJUČAK

1. Komisija za budžet, finansije i ekonomska pitanja prihvata Prijedlog Odluke o finansiranju redovnog rada mjesnih zajednica u 2026. godini.

2. Komisija za budžet, finansije i ekonomska pitanja, konstatuje da je u Budžetu Grada Zavidovići za 2026. godinu, na transferu „Tekući transfer mjesnim zajednicama za redovnu djelatnost“, planiran iznos od 75.000,00 KM.

3. Prijedlog Odluke o finansiranju redovnog rada mjesnih zajednica u 2026. godini, dostavlja se predsjedavajućoj radi uvrštavanja u dnevni red sjednice Gradskog vijeća.

4. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Dino Starčević, dipl.ecc.





Komisija za Statut i propise

Broj: 01-11-123/26-AP-2

Datum: 19.01.2026. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za Statut i propise na 14. sjednici održanoj dana 19.01.2026. godine, razmatrala je Prijedlog Odluke o finansiranju redovnog rada mjesnih zajednica u 2026. godini, pa nakon rasprave donijela

ZAKLJUČAK

1. Komisija za Statut i propise smatra da je Prijedlog Odluke o finansiranju redovnog rada mjesnih zajednica u 2026. godini, u skladu sa zakonom i drugim propisima.

2. Komisija za Statut i propise smatra da je Prijedlog Odluke o finansiranju redovnog rada mjesnih zajednica u 2026. godini, pripremljen u skladu sa članom 31. stav (1) tačka 1) Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), članom 32. Odluke o izvršavanju Budžeta Grada Zavidovići za 2026. godinu („Službeni glasnik Grada Zavidovići“, broj: 12/2025), člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), a u vezi sa članom 86. Statuta Općine Zavidovići („Službeni glasnik Općine Zavidovići“, broj: 5/08, 5a/08 i 11/19).

3. Komisija za Statut i propise smatra da je Prijedlog Odluke o finansiranju redovnog rada mjesnih zajednica u 2026. godini, pripremljen u skladu sa Jedinim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08).

4. Prijedlog Odluke o finansiranju redovnog rada mjesnih zajednica u 2026. godinu, dostavlja se predsjedavajućoj radi uvrštavanja u dnevni red sjednice Gradskog vijeća.

5. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE
ZA STATUT I PROPISE

mr. iur. Džeamarina Memagić





Komisija za poslove mjesnih zajednica

Broj: 01-11-123/26-AP-4

Datum: 20.01.2026. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 50. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za poslove mjesnih zajednica na 4. sjednici održanoj dana 20.01.2026. godine, razmatrala je Prijedlog Odluke o finansiranju redovnog rada mjesnih zajednica u 2026. godini, pa nakon rasprave donijela

ZAKLJUČAK

1. Komisija za poslove mjesnih zajednica prihvata Prijedlog Odluke o finansiranju redovnog rada mjesnih zajednica u 2026. godini.

2. Komisija za poslove mjesnih zajednica konstatuje da je u Budžetu Grada Zavidovići za 2026. godinu na transferu „Tekući transfer mjesnim zajednicama za redovnu djelatnost“ planiran iznos od 75.000,00 KM što smatra nedovoljnim za ove namjene te predlaže Gradonačelnici da se u postupku izmjena i dopuna Budžeta Grada Zavidovići za 2026. godinu ovaj iznos uveća za 25.000,00 KM, te bi isti glasilo 100.000,00 KM.

3. Prijedlog Odluke o finansiranju redovnog rada mjesnih zajednica u 2026. godini, dostavlja se predsjedavajućoj radi uvrštavanja u dnevni red sjednice Gradskog vijeća Zavidovići.

4. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Avdušinović Bego



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 21-01-2026			
Org. jed.	Sl. odred.	Pos. broj	Sl. odred.
01	11	123/26	

Broj: 02-11-120/26-AP-5
Datum: 20.01.2026. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Amandman na Prijedlog Odluke o finansiranju redovnog
rada mjesnih zajednica u 2026. godini, dostavlja se

U prilogu akta dostavljam Vam Amandman na Prijedlog Odluke o finansiranju redovnog rada mjesnih zajednica u 2026. godini.

Amandman na Prijedlog Odluke o finansiranju redovnog rada mjesnih zajednica u 2026. godini dostavljam u skladu sa članom 126. stav (1) i (2) Poslovnika o radu Gradskog vijeća Zavidovići – novi pečišćeni tekst („Službeni glasnik Grada Zavidovići“, broj: 7/2022 i 1/2023).


S poštovanjem

Dostavljeno:

1. Naslovu,
2. U spis.

Akt pripremio:


(Nermin Čahtarević)



GRADONAČELNICA

mr. iur. Erna Merdić Smailhodžić



Broj: 02-11-120/26-AP-4
Datum: 20.01.2026. godine

Na osnovu člana 126. stav (1) i (2) Poslovnika o radu Gradskog vijeća Zavidovići („Službeni glasnik Grada Zavidovići“, broj: 7/22 – prečišćen tekst i 1/2023), a u vezi sa članom 123. istog Poslovnika, Gradonačelnica podnosi

AMANDMAN

na Prijedlog Odluke o finansiranju redovnog rada mjesnih zajednica u 2026. godini

AMANDMAN I

U članu 6. Prijedloga Odluke o finansiranju redovnog rada mjesnih zajednica u 2026. godini riječi „u Budžetu Grada Zavidovići za 2025. godinu“ zamjenjuju se riječima „u Budžetu Grada Zavidovići za 2026. godinu“.

OBRAZLOŽENJE

Gradonačelnica je 16.01.2026. godine podnijela Gradskom vijeću Zavidovići Prijedlog Odluke o finansiranju redovnog rada mjesnih zajednica u 2026. godini. Nakon dodatnih analiza Prijedloga Odluke o finansiranju redovnog rada mjesnih zajednica u 2026. godini uočena je tehnička greška u članu 6. Prijedloga Odluke. Zbog navedenog podnosim ovaj Amandman.

Dostavljeno:

1. Gradsko vijeće Zavidovići,
2. U spis.

GRADONAČELNICA

mr. iur. Erna Merdžić Smailhodžić

Akt pripremio:


(Nermin Čahtarević)

